

आकाशवाणी

खास-खास खबरां:-

- प्रधानमंत्री नरेन्द्र मोदी होर अज्ज छत्तीसगढ़ च पुलस प्रमुखें दे 60में कुल भारत सम्मेलन दी अध्यक्षता करगंन।
- चुना आयोग नै पच्छिम बंगाल च मतदाता सूचियें बारे तृणमूल कांग्रेस दे आरोपें गी बेबुनियाद करार दिंदे होई खारज करी दिता ऐ।
- श्रीलंका च “दित्वाह” चक्रवाती तूफान कारण मरोने आहलें दी गिनतरी 69 तोड़ी पुज्जी गई ऐ- भारत नै प्रभावितें लेई राहत सामग्री भेजी।
- चक्रवाती तूफान दे अगड़े बधने कारण श्रीलंका दे इलावा दक्खन पूर्वी भारत दे केई राज्यें च बी मौसम खराब।
- गोवा च आयोजित भारत दा 56मां अंतराष्ट्रीय फिल्मोत्सव सम्पन्न। अभिनेता धर्मेन्द्र गी भावे-भरोची श्रद्धांजलि भेंट कीती गई।
- सब्बने शा मते वोट हासल करियें भारत इक बारी परतियें आई.एम.ओ परिषद च शामिल।
- एफ.आई.एच जूनियर हॉकी विश्व कप-2025 दे अपने शुरुआती मैच च भारत नै चिली गी 7-0 कन्नै रहाया।

<><><><><><>

PM -Raipur Police Meet

प्रधानमंत्री नरेन्द्र मोदी होर अज्ज छत्तीसगढ़ च पुलस महानिदेशकें ते महानिरीक्षकें दे 60में अखिल भारतीय सम्मेलन दी अध्यक्षता करगंन। ओह अज्ज ते कल सम्मेलन दे बक्ख-बक्ख सत्रें च हिस्सा लैगंन। 3-रोजा एह सम्मेलन कल रायपुर स्थित भारतीय प्रबंधन संस्थान च शुरु होआ।

गृहमंत्री अमित शाह होरें सम्मेलन दा उदघाटन कीता। इस मौके पर उनें आखेया जे एह सम्मेलन मुख दी आंतरिक सुरक्षा चुनौतियें गी हल करने आस्तै इक महत्वपूर्ण मंच ऐ- जिसदे च समस्या ते चुनौतियें दी पंछान करने थवां लेइयै रणनीति ते नीतियां बनाने तगर दा कम्म शामिल ऐ। शाह होरें आखेया जे पिच्छले 11 बरे च कट्टरपंथ- उग्रवाद- विद्रोह ते नशीले पदार्थे खिलाफ अभियानें च भारत नै जेड़ी सफलता हासिल कीती ऐ उसदे कन्नै पुलस दा साहस साफ तौरा पर नजरी औंदा ऐ। शाह होरें आखेया जे प्रधानमंत्री हुंदी अगुआई आहली सरकार नै त्रै प्रमुख नक्सलवाद-पूर्वोत्तर ते जम्मू-कश्मीर च पैदा चुनौतियें दा हल करने लेई स्थाई हल दिते न।

<><><><><><>

EC

चुनां आयोग नै सारी शंकाएं दा बिंदुवार खंडन कीता ते तृणमूल कांग्रेस प्रतिनिधिमंडल दे आरोपें गी बे-बुनियाद दस्सेया। राज्यसभा च सांसद डी. ओब्रायन हुंदी अगुआई च 10 सदस्यीय प्रतिनिधिमंडल नै अज्ज नमीं दिल्ली च पच्छिम बंगाल च मतदाता सूचियें दी विशेष गहन नजरसानी दे मुद्दें पर निर्वाचन आयोग कन्नै मलाटी कीती। आयोग नै प्रतिनिधिमंडल थवां 9 दिसम्बर दे बाद दावे ते ऐतराजें गी पेश करने लेई आखेया- जिसलै मसौदा सूचि उन्दे कन्नै सांझा कीती जाग। आयोग नै आखेया ऐ जे उसले तगर पार्टी गी बूथ स्तह दे अधिकारियें- चुना पंजीकरण अधिकारियें ते जिला चुनां अधिकारियें दे कम्मकाज च दखल- अंदाजी नैई कीती जानी लोइचदी।

<><><><><><>

Conclave Ditwah

श्रीलंका च चक्रवात “दित्वाह” दा व्यापक असर बने दा ऐ। इस करी 69 लोकें दी मौते होई चुकी दी ऐ ते 34 लापता न। चक्रवात करी 2 लक्ख 19 हजार लोक प्रभावित होए न।

<><><><><><>

## Cyclonic Storm

चक्रवाती तूफान दित्वाह श्रीलंका दे 40 किलोमीटर दूर पच्छिम थमां कोई 6 घंटे पैहले 7 किलोमीटर फही घंटे दी रफतार कन्ने अगड़े बधा करदा हा ते ओल्लै एह कराइकल कोला 270 किलोमीटर दूर दक्खन पूर्व च पुदूचेरी कोला 380 किलोमीटर ते दक्खन चेन्नेई कोला 490 किलोमीटर दे छिंडे पर हा। जारी जानकारी मुजब इस महीने दी 30 तरीक तगर एहदे बंगाल दी खाड़ी दे दक्खन-पच्छिम च उत्तरी तमिलनाडू दे दक्खन आंध्र-प्रदेश दे समुन्द्री इलाके तगर पुज्जी सकने दी शंका जताई गई ऐ। श्रीलंका दे डेल्टा आहले इलाके च एहदे करी कल्लै थमां गै भारी बरखा लग्गी दी ऐ जेहदे करी चेन्नई ते श्रीलंका बश्कार ब्हाई डोआरियां बी प्रभावत होइयां न। लोकें गी चेतावनी दिती गेदी ऐ जे तूफान करी 70 कोला 80 किलोमीटर फही घंटे दी रफतार कन्ने तेज ब्हां झुल्ली सकदियां न।

<><><><><><>

## Operation Sagar Bandhu

श्रीलंका च चक्रवाती तूफान “दित्वाह” दा प्रकोप बरोबर बने दा ऐ। केई इलाकें च बरखा-हाड ते ल्हास-पस्सियां पौने कन्ने भारी तबाही मची दी ऐ। केई घर ते इमारतां तबाह होई गेदियां न ते मते सारे इलाकें दा सिडक सम्पर्क बी त्रुट्टी गेदा ऐ। इस ओक्खी घड़ी च भारत “आप्रेशन सागर बंधु” दे राएं श्रीलंका गी अपात सहायता पुजा करदा ऐ। नौसेना दे ज्हाज प्रभावत लोकें तगर राहत सामग्री पुजाने च लग्गे देन। कोलम्बो थमां जारी अधिकारिक जानकारी मुजब एह तूफान उत्तर-पच्छिम आहली बक्खी अगड़े बधै करदा ऐ ते अज्ज बी एहदा असर टापुनुमा इस मुल्खै पर बने दे रौहने दे आसार न।

<><><><><><>

## PM MKB

प्रधानमंत्री नरेंद्र मोदी होर कल 30 नवम्बर गी अपने रेडियो कार्यक्रम “मन की बात” दे राएं देश-बदेश च रौहने आहले श्रोताएं कन्ने अपने बचार सांझे करडन।

हर म्हीने दे खीरले ऐतवारें दिनै 11 बजे प्रसारित होने आहले इस कार्यक्रम दी एह 128मीं किशत होग। एह कार्यक्रम आकाशवाणी समाचार दी वैबसाईट newsonairmobile ऐप्प पर बी प्रसारित कीता जाग। एहदे कन्नो-कन्नी एह प्रोग्राम आकाशवाणी समाचार, DD News, प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी प्रसारित कीता जाग। आकाशवाणी पर इस कार्यक्रम दे हिंदी प्रसारण मगरा क्षेत्रीय भाशाएं च अनुवाद बी प्रसारित कीता जाग।

<><><><><><>

IFFI Closing

56मां भारतीय अंतराष्ट्रीय फिल्म महोत्सव गोवा च शानदार पुरुस्कार समारोह कन्नै सम्पन्न होई गया। एह समारोह डाक्टर Shyama Prasad मुखर्जी इंडोर स्टेडियम च होआ। समापन समारोह गी सम्बोधित करदे होई मुखमंत्रि प्रमोद सावंत होरें आखेया जे पिच्छले केई दिनें च वैश्विक सहयोग च रचनात्मक लोकें- कलाकारी ते बेहतरीन ते शानदार इक जुटता दा संगम इत्थे दिक्खेया गया। कलाकारें-निर्माताएं ते रचनात्मक लोकें अपने विचार रक्खे ते इत्थे विचारें ते संस्कृति दा असाधारण संगम दिक्खेया गया। मुखमंत्रि होरें भारतीय सिनेमा दे He-man धर्मन्द्द्र होरें गी श्रद्धांजलि बी भेंट कीती।

<><><><><><>

IMO

सबबने शा मते वोट हासल होने कन्नै गै- भारत गी इक बारी परतिये इंटरनैशनल मैरीटाईम आर्गेनाइजेशन आई.एम.ओ दी काउंसल च 2026-27 बरे लेई चुनी लैता गया ऐ। इस काउंसल लेई चुनां आई.एम.ओ दे 34में इजलास दौरान कल लंदन च करोआया गया जेहदे च भारत गी भारी समर्थन हासल होआ। एहदे कन्नै गै भारत इक बारी परतिये समुन्द्री इलाके सरबन्धि इस संगठन दा इक होर बरे लेई मिम्बर बनी गया ऐ।

<><><><><><>

## Trump -South Africa

अमरीका दे राष्ट्रपति डोनाल्ड ट्रम्प होरें इक सोशल मीडिया पोस्ट च आखेया ऐ जे जोहान्सबर्ग च लग्गने आहले जी-20 शिखर सम्मेलन थमां अमरीका दे गैर हाजर रौहने दा कारण दक्खन अफ्रीका च मनुक्खी अधिकारें दी कथित खलाफवर्जी ऐ। ट्रम्प होरें अगगे आखेया जे 2026 च अमरीका दे मिआमी च लग्गने आहले जी-20 शिखर सम्मेलन च दक्खन अफ्रीका गी साद्दा नैई दिता जाहग। अमरीकी राष्ट्रपति होरें अगगे आखेया जे दक्खन अफ्रीका सरकार उत्थै होआ रदे मनुक्खी अधिकारें दे उल्लंघन गी लेइयै दना बी संवेदनशील नैई ऐ- जेहदा सिद्दा-सिद्दा असर गोरें अल्पसंख्यक समुदाएं पर पवा करदा ऐ। उनें दोष लाया जे दक्खन अफ्रीकी सरकार चुनिंदा लोकें कन्नै होआ रदी हिंसा ते गैर-कनूनी तौरा पर उंदियें जिमियें गी कब्जाने आहले मामलें पर ध्यान नैई देया रदी ऐ। ट्रम्प होरें आखेया जे जोहान्सबर्ग जी-20 शिखर सम्मेलन दे मुक्कने पर दक्खन अफ्रीका नै एहदी अध्यक्षता अमरीकी दूतावास दे इक सीनियर अफसर गी सौंपने थमां बी इंकार करी दिता जेड़ा जे उत्थे सामधाम मजूद हा। ट्रम्प होरें इब्बी आखेया जे अमरीका दक्खन अफ्रीका गी दिते जाने आहलियां सारियां रौ-रयायतां ते बाकी अदायगियां रोकी देग।

<><><><><><>

## Baloch Pak US

प्रमुख बलोज मानवाधिकार कारजकर्ता मीर यार बलूच होरें अमरीकी प्रशासन ते जांच एजेंसियें थवां पाकिस्तान दा आतंकवाद दे आधार पर मूल्यांकन करने दा अनुरोध कीता। उनें उसदे पिच्छले रिकार्ड करी आतंकवाद आहली सूचि च उसी सब्बनें थवां उप्पर रखने पर विचार करने लेई आखेया। केंई सारी रिपोर्टें ते माहिरें दा हवाला दिंदे होई उनें आखेया जे पाकिस्तान दी खुफिया एजेंसी आई.एस.आई ते होर दुए सैन्य ठकाने दे कर्मी चरमपंथी अतवादी गुटे लेई कम्म करा रदे न।

मीर होरें चिंचा जाहिर कीती जे साबका राष्ट्रपति ते सेना प्रमुख परवेज मुशर्रफ होरें सिरे दे आतंकवादी हाफिज सईद ते ओसामा बिन लादेन गी पाकिस्तान दे नायक दस्सेया हा। मीर होरें साबका आई.एस.आई. निदेशक असद दुरानी हुंदे ब्याने पर बी चिंचा जाहिर कीती जेदे च उनें आखेया हा जे पाकिस्तान नै अफगानिस्तान च अपने सहयोगी अभियान दौरान अमरीका गी बेवकूफ बनाया ते ओदे थवां अरबे डॉलर दी सहायता हासिल कीती।

<><><><><><>

Hong Kong Fire Arrest

हांग-कांग दे भ्रष्टचार रोधी आयोग नै हाई राइज़ इमारतें दे नवीकरणीय दे सिलसिले च इक महिला सनें 8 लोकें गी गिरफ्तार कीता ऐ। इनें इमारतें च लग्गी दी अग्ग च 128 लोकें दी मौत होई गई ही। आयोग नै दस्सेया जे एह लोक निर्माण दे उप-ठेकेदार- इक इंजीनियरिंग कंसल्टेंसी दे निदेशक ते नमें सिरेया कीते जा रदे कम्म दी दिक्ख-रिक्ख करने आहले परियोजना प्रबंधक न। आयोग नै इस बारे छानबीन कीती ते सरबंधी रिकार्ड ते दस्तावेज जब्त कीते। इस घटना च 128 लोक मारे गे हे।

<><><><><><>

Hockey Jr. World Cup

चेन्नई दे मेयर राधाकृष्णन स्टेडियम च आयोजित मर्दे दे एफ.आई.एच जूनियर विश्व कप-2025 च भारत नै अपने पैहले पूल -बी दे मैच च चिली पर शानदार 7-0 कन्ने जित हासल कीती ऐ। भारत सनें प्रतियोगिता दा खताब जिती चुकी दी जर्मनी- अर्जन्टीना ते बैलजियम दी टीम नै बी अपनी शुरुआत जित कन्ने कीती। 21एं बरे कोला हेठली उम्मी दे जागतें दी एह टूर्नामेंट चेन्नई ते मदुरैय दंडु शैहरें च करोआई जा रदी ऐ।

<><><><><><>